

- 1^r Do werdent kynd den eltern glych
- 2^r Wo man vor jnn nit schamet sich
- 3^r Vnd krüg vor jnn / vnd häfen bricht



Bosz exempel der eltern.

- 1 Wer vor frowen vnd kynder wil
- 2 Von bûlschafft / boßheyt / reden vil
- 3 Der wart / das von jnn widerfar
- 4 Des glich / er vor jn triben tar

5 Keyn zucht / noch ere / ist me vff erd
 6 Kynd / frowen / leren wort vnd gberd
 7 Die frowen das von mannen hand
 8 Die kynd von eltern nemen schand
 9 Vnd wenn der appt die würfel leydt
 10 So sint die münch züm spiel bereit
 11 Die welt ist yetz voll böser lere
 12 Man findt leyder keyn zucht / noch ere
 13 Die vätter sint schuldig dar an
 14 Die frow die lert von jrem man
 15 Der sün / des vatters halttet sich
 16 Die dochter ist der mütter glich
 17 Dar vmb zü wundern nyemans yl
 18 Ob jnn der welt sint narren vil
 19 Der krebs glych wie syn vatter trytt
 20 Es macht keyn wolff / keyn lemblin nytt
 21 Brutus / vnd Catho sint beyd dott
 22 Des mert sich Cathelynen rott /
 23 Wis / syttlich vätter / tugentrich
 24 Machen ouch kynder jren glych
 25 Diogenes eyn jungen sach
 26 Der druncken was / zü dem er sprach
 27 Myn sün / das ist dins vatter stadt
 28 Eyn drunckner dich geboren hat
 29 Es darff das man gar eben lüg
 30 Was man vor kynden red vnd tüg
 31 Dann gwonheytt / andere natur ist /
 32 Die macht / das kynden vil gebrist
 33 Eyn yedes leb recht / jnn sym huß
 34 Das ärgerniß nit kumm dar vß

17 nyemans *GW5046 GW5047*] neymans *GW5041* 21 vnd *GW5046 GW5047*] wnd *GW5041*
 25 jungen *GW5046 GW5047*] jnngen *GW5041*